

Yayasan Muafakat Pontian terima RM289,000

26 Mei 2017 3:00 AM



Hasni Mohammad (tengah) menyampaikan replika cek bernilai RM32,000 kepada wakil penerima program Smart E-Kasih di Pontian, Johor, kelmarin. utusan/ MUHAMMAD ZIKRI

PONTIAN 25 Mei – Yayasan Muafakat Pontian (YPM) menerima sumbangan sebanyak RM289,000 daripada Majlis Daerah Pontian (MDP) pada tahun ini.

Pengerusinya, Datuk Ir. Hasni Mohammad berkata, hingga 20 Mei lalu, sebanyak RM280,403.40 telah dibelanjakan untuk membantu 1,065 penerima antaranya bantuan kecemasan seperti kebakaran, bencana alam, perayaan, persekolahan dan pendidikan kepada keluarga kurang berkemampuan.

Menurutnya, YPM antara enam yayasan yang berjaya ditubuhkan oleh pihak berkuasa tempatan (PBT) bagi melaksanakan transformasi sosial untuk meningkatkan kesejahteraan masyarakat.

“Ini merupakan apa yang dipanggil ‘muafakat untuk Johor’ bagi meringankan beban golongan kurang berkemampuan termasuk orang kurang upaya (OKU), warga emas, ibu tunggal dan sebagainya,” katanya semasa merasmikan program Smart E-Kasih Shopping 2017 di pasaraya Econsave di sini, semalam.

Yang turut hadir, Yang Dipertua MDP, Kamalludin Jamal; Ketua Whips MDP, Norzita A. Kahar dan Pengurus Operasi Econsave Wilayah Selatan, Mas Imran Adam.

Hasni yang juga Ahli Dewan Undangan Negeri (ADUN) Benut berkata, program tersebut merupakan salah satu inisiatif YPM bagi membantu golongan memerlukan.

Beliau berkata, sebanyak RM32,000 akan diberikan kepada 50 keluarga dengan setiap penerima mendapat bantuan bulanan sebanyak RM80 bermula bulan ini hingga Disember ini.

Sementara itu, Kamalludin berkata, setiap keluarga akan menerima sebanyak RM640 dan perlu memastikan kad pengenalan mereka boleh digunakan ketika membeli-belah di pasaraya Econsave Pontian dan Pekan Nanas bagi mendapatkan keperluan mereka.

“Kita berharap pendekatan ini dapat memberikan mereka (penerima) lebih ruang untuk membeli-belah di lokasi yang berhampiran dengan kediaman masing-masing,” katanya.

Tuntut
\$30 UTK BERDAGANG*

[Niaga Forex & CFD untuk Saham, Indeks, Minyak & Emas]

BACA LAGI

*Tertakluk T&S.
Dagangan CFD melibatkan risiko kerugian yg tinggi.